



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), člana 30. stav (1) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj: 1/26) i Odluke o kriterijima i postupku dodjele sredstava odobrenih u Budžetu Unsko-sanskog kantona za 2026. godinu putem Kantonalne uprave civilne zaštite - Podrška za finansiranje profesionalnih vatrogasnih jedinica broj:03-02-44-324/2026 od 05.03.2026.godine, Kantonalna uprava civilne zaštite objavljuje :

## JAVNI POZIV

### za dodjelu sredstava jedinicama lokalne samouprave za finansiranje profesionalnih vatrogasnih jedinica

#### I PREDMET JAVNOG POZIVA

Predmet javnog poziva je finansiranje profesionalnih vatrogasnih jedinica lokalne samouprave (u daljem tekstu JLS) u skladu Zakonom o zaštiti od požara i vatrogastvu („Službene novine Federacije BiH“, broj: 69/09 i 77/25) (u daljem tekstu: Zakon).

#### II USLOVI UČEŠĆA

##### Pravo učešća

Pravo učešća na javnom pozivu imaju JLS na području Unsko-sanskog kantona iz člana 141. Zakona.

##### Finansijska sredstva

Maksimalna vrijednost finansiranja u okviru ovog Javnog poziva po svim prijavama iznosi 70.000,00 KM.

##### Broj prijavljenih zahtjeva

Jedan aplikant može dostaviti samo jednu prijavu u okviru ovog Javnog poziva.

##### Opći kriteriji

Za dodjelu sredstava za finansiranje profesionalnih vatrogasnih jedinica primjenjuju se sljedeći kriteriji:

- da JLS ima manje od 15.000 stanovnika ili da je ekonomski nerazvijena;
- da JLS ima usvojenu procjenu ugroženosti od požara;
- da JLS ima usvojen plan zaštite od požara.

##### Posebni kriteriji

JLS koje ispunjavaju opće kriterije rangiraće se prema posebnim kriterijima i to:

- ukupan broj profesionalnih vatrogasaca/formacija:

- 1) odjeljenje ..... 3 boda;
- 2) vod ..... 5 boda;

b) postavljenje stariješine ili zamjenika stariješine PVJ u skladu sa Zakonom o vatrogastvu F BiH ..... 2 bodova.

### **Dokumentacija koja se treba dostaviti prilikom prijave projekta**

Prijava za dodjelu sredstava podnosi se na posebnom prijavnim obrazcu koji se preuzima sa web stranice Uprave, [www.czusk.ba](http://www.czusk.ba), ovjerenom i potpisanom od strane odgovorne osobe. Uz prijavni obrazac podnosioci su dužni dostaviti slijedeću dokumentaciju kojom dokazuju ispunjavanje uslova iz Javnog poziva, u originalu ili ovjerenoj kopiji (ovjera ne smije biti starija od 3 mjeseca):

- a) akta nadležnog organa kojim se potvrđuje da je JLS u kategoriji područja posebne zaštite u Federaciji BiH;
- b) akta nadležnog organa o usvajanju procjene ugroženosti od požara;
- c) akta nadležnog organa o usvajanju plana zaštite od požara.

### **III NAČIN I ROK ZA PODNOŠENJE PRIJAVA**

Prijave sa potrebnom dokumentacijom dostavljaju se neposredno, na protokol Vlade Unsko-sanskog kantona ili preporučeno putem pošte, na adresu :

**KANTONALNA UPRAVA CIVILNE ZAŠTITE**

ul. Alije Đerzeleza br. 2, 77 000 Bihać,  
s naznakom

**Prijava po Javnom pozivu  
za dodjelu sredstava jedinicama lokalne samouprave za finansiranje  
profesionalnih vatrogasnih jedinica**

**- NE OTVARAJ -**

*Na poledini koverte obavezno napisati naziv podnosioca prijave i adresu*

#### **Rok za podnošenje prijava**

Rok za podnošenje prijava je **8 dana** od dana objave Javnog poziva.

#### **Kriteriji isključenja**

Neće se uzimati u razmatranje prijave koje su dostavljene nakon isteka roka određenog Javnim pozivom (neblagovremene).

Prijave koje su pristigle u traženom roku, ali koje nisu kompletno popunjene i koje ne sadrže traženu dokumentaciju, bit će odbačene i neće biti predmet razmatranja.

Prijave dostavljene nakon isteka utvrđenog roka vraćaju se aplikantu neotvorene, sve ostale prijave zajedno sa pratećom dokumentacijom ne vraćaju se aplikantu.

#### **IV OCJENA PRIJAVA**

Dostavljene prijave na Javni poziv razmatra Komisija od 3 člana, koju rješenjem imenuje direktor Uprave. Komisija vrši:

- a) analizu ispunjenosti formalno-pravnih uslova dostavljenih prijava u skladu sa ovim Javnim pozivom, odnosno provjeru blagovremenosti i kompletnosti dokumentacije,
- b) provedbu procesa bodovanja prijava koje ispunjavaju formalno-pravne uslove,
- c) izradu Izvještaja o provedenom postupku po Javnom pozivu za dodjelu sredstava sa prijedlogom liste uspješnih projekata, kojeg putem protokola dostavlja direktoru. Broj bodova koji čini ukupnu ocjenu projektnog prijedloga sastoji se od zbira pojedinačnih bodova utvrđenih u posebnim kriterijima.

Pri razmatranju projektnih prijedloga Komisija zadržava pravo zatražiti dodatna pojašnjenja o projektu od aplikanta.

#### **V OBAVJEŠTENJE O DISKVALIFIKACIJI, PRIGOVOR I UTVRĐIVANJE KONAČNE LISTE USPJEŠNIH PROJEKATA**

JLS koje ne ispunjavaju formalno-pravne uslove ( prijave koje su neblagovremene, nepotpune) i ne nalaze se na predloženoj listi za finansiranje, biće o tome pisano obaviješteni od strane Komisije.

Protiv navedene obavijesti aplikanti mogu podnijeti prigovor Upravi u roku od 3 dana od dana prijema obavijesti. O prigovoru odlučuje direktor. Odluka o prigovoru je konačna.

Nakon dostavljenog Izvještaja Komisije sa prijedlogom Liste prijava koje ispunjavaju se uslove iz Javnog poziova, direktor utvrđuje konačnu rang Listu projekata odabranih za sufinansiranje, koja se objavljuje na web stranici Uprave, [www.czusk.ba](http://www.czusk.ba).

Kriterij za utvrđivanje konačne rang liste projekata je ostvareni broj bodova na Javnom pozivu i iznos raspoloživih sredstava za sufinansiranje.

#### **VI ZAKLJUČENJE UGOVORA I NADZOR NAD KORIŠTENJEM SREDSTAVA**

Sa aplikantima čije prijave budu odobrene zaključit će se ugovor kojim će se urediti uslovi i način korištenja odobrenih sredstava, način praćenja namjenskog korištenja sredstava, dokumentacija koju je korisnik sredstava obavezan dostaviti Upravi, rok važenja ugovora, te ostala međusobna prava i obaveze korisnika sredstava i Uprave.

Dodijeljenja sredstva, po usvajanju Programa utroška od strane Vlade doznačavaju se na račune korisnika.

## VII OPĆE ODREDBE

Za sve dodatne informacije zainteresirana lica mogu se obratiti Upravi prije zatvaranja Javnog poziva, i to putem maila: [czbihac@bih.net.ba](mailto:czbihac@bih.net.ba)

Prijavni obrazac za dodjelu sredstava za projekte iz oblasti vatrogastva nalazi se na web stranici Uprave [www.czusk.ba](http://www.czusk.ba).

Broj: 15-11-3940-1 /26  
Datum: 10.03.2026.godine

